

Studi: La paja d'emprendist – il cumportament finanziel e la savida finanziela d'emprendistas e d'emprendists en Svizra

Cuira, ils 11 da settember 2018 – Cun cumenzar l'emprendissadi gudognan giuvenils normalmain per l'emprima giada en lur vita regularmain agens daners. Las emprendistas ed emprendists fan en quel mument in pass impurtant en direcziun da l'independenza economica. In studi naziunal per incumbensa da las bancas chantunalas mussa ussa per l'emprima giada co ch'ils giuvenils dovran a l'entschatta da lur furmaziun da basa professiunala la paja gudagnada sez. Ils resultats demussan: per regla van las emprendistas ed ils emprendists enturn a moda fitg conscienziusa cun daners ed els han ina buna savida pratica quai che riguarda temas finansials dal mintgadi. Cun aspects finansials main famigliars han però blers difficultads.

Il studi «La paja d'emprendist – il cumportament finanziel e la savida finanziela d'emprendistas e d'emprendists en Svizra» ha realisà l'institut da perscrutaziun Prognos AG per incumbensa da las bancas chantunalas. Ins ha interrogà var 1000 emprendistas ed emprendists dal segund semester da la scolaziun da basa professiunala da 39 champs da scolaziun differents. La retschertga è vegnida fatga la primavaira 2018 en scolas professiunalas da la Svizra tudestga, franzosa e taliana.

Ina paja d'emprendist importa en media 764 francs

Las pajas d'emprendists sa movan en Svizra per gronda part tranter 500 e 1000 francs. La paja mensila importa en media 764 francs, la paja dal median munta a 683 francs. Ultra da la paja survegnan bleras emprendistas e blers emprendists en la furmaziun da basa professiunala ulteriuras parts integralas da l'entrada monetaras e betg monetaras. Circa 90 pertschient da las emprendistas e dals emprendists vivan en il tegnairechasa dals geniturs; lur basegn elementar d'abitar e da mangiar è cuvert cumpletmain u parzialmain. Var la mesadad da las persunas interrogadas survegn ultra da lur paja d'emprendist sustegn finanziel da la famiglia u d'altres persunas.

La responsabladad finanziela s'augmenta cun la paja e la vegliadetgna

La structura da las expensas da las emprendistas e dals emprendists interrogads è differenta. Enturn in terz dad els ceda ina part da la paja als geniturs per albiert e dunsena. Expensas per sortida, hobis, vestgadira, gentar e telefonin sto la maiortad surpigliar cumplainmain a partir da l'emprima paja. Sco che mussa il studi na surpiglian las giuvnas ed ils giuvens betg cun ina giada la responsabladad per lur budget. La cumpetenza finanziela s'extenda successivmain sin dapli champs d'expensas cun l'atgna paja e cun la vegliadetgna.

Las emprendistas ed ils emprendistas van enturn a moda fitg conscienziusa cun daners

La maiortad da las persunas interrogadas va enturn a moda fitg conscienziusa cun la paja. Unicamain sis pertschient han ina relaziun plitost lucca cun daners e mo ina leva tendenza da spargnar. Da l'autra vart èn 35 pertschient consequentmain spargnus e spargnan mintga mais in zic dals agens daners. 59 pertschient dals interrogads èn reservads quai che pertutga la relaziun cun daners. Els èn da l'opiniun ch'igl è da princip impurtant da spargnar, na mettan quai però betg adina en la pratica – en cumparegliaziun cun las emprendistas ed ils emprendists che spargnan consequentmain.

Las emprendistas ed ils emprendists han ina buna savida finanziaria

Ina gronda part da las persunas interrogadas ha ina buna cumpetenzza finanziaria. En il rom da la retschertga èn dus terzs da las emprendistas e dals emprendists stads buns da responder correctamain almain a tschintg da set dumondas da test. Questa cumpetenzza finanziaria objectiva correspunda per gronda part a l'autostimaziun da las atgnas abilitads da las emprendistas e dals emprendists. En spezial cun temas finanziaals dal mintgadi sco l'agen conto u moviments dal chapital vegnan ils giuvenils bain a frida. Cun temas main famigliars sco per exempel la calculaziun dals tschains dals tschains ha la gronda part difficultads.

Ina malsegirezza co ir enturn cun daners cun vegnir maioren

Pli e pli bieras difficultads ed ina malsegirezza areguard dumondas finanziaals sa mussan era cun vegnir maioren. Las emprendistas ed ils emprendists tranter 18 e 20 onns inditgeschan pli savens d'avair deficits da cumpetenzas quai che riguarda la relaziun cun ils daners che las persunas interrogadas pli giuvnas u pli veglias. Quai è in indizi che las novas pussaivladads ed obligaziuns en connex cun daners che resultan cun vegnir 18 èn ina sfida per ils giuvenils. Sco che mussa il studi èn ils geniturs ed auters commembers da famiglia las emprimas persunas da contact per survegnir cussegls ed infurmaziuns davart temas finanziaals: passa dus terzs da las emprendistas e dals emprendists inditgan da s'adressar en cas da dumondas e da problems finanziaals en emprima lingua a la famiglia. Da l'autra vart vesan circa la mesadad da tut las emprendistas ed emprendists deficits areguard l'intermediaziun da savida finanziaria e da know-how pratic en scola.

La BCG s'engascha per la cumpetenzza finanziaria

La Banca Chantunala Grischuna (BCG) promova la cumpetenzza finanziaria en scolas svizras. Ensemen cun 23 autras bancas chantunales e cun las associaziuns da scolastas e scolasts da la Svizra tudestga e franzosa ha ella fundà l'uniun FinanceMission. Quella ha la finamira da sensibilisar ils giuvenils per ina relaziun cun daners responsabla e metta a disposiziun cun il jeu d'emprender digital «FinanceMission Heroes» ina purschida d'instrucziun cun bler cuntegn per las scolas secundaras svizras. En il chantun Grischun han ins lantschà il med cun sustegn da la BCG e scolastas e scolasts al pon duvrar en l'instrucziun per intermediar cumpetenzas finanziaals.

Ulteriuras infurmaziuns:

- [Colliaziun al studi da referenza](#)
- [Film explicativ](#) (represchentaziun illustrativa dals resultats dal studi)

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuir
Thomas Müller, thom.mueller@gkb.ch, telefon +41 81 256 83 11

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' d'ovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavurats (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2018:	8 da favrer 2019
Radunanza dals participants:	4 da matg 2019
